

OSCA Ptol. vbi suprâ, vulgò *Huesca*. *Gabinus* Oscensis Episcopus subscripsit Concilio Toletano tertio.

PAMPILONA seu Pompelon Ptol. ibid. vulgò *Pamplona*. *Lilliolus* huius Ecclesiæ Præful subscripsit Concilio Toletano tertio, & *Joannes* Decreto Regis Gundemari.

ILERDA Ptol. ibid. vulgò *Lerida*. Ex eius Episcopis *Februarius* subscripsit Concilio Ilerdensi, & *Polybius* Toletano tertio.

BARCINO, quæ & Barcinon Ptolem. ibid. vulgò *Barzelona*. *Paternus* Barcinonensis Episcopus subscripsit Concilio Ilerdensi, *Vngas* Toletano tertio, & Barcinonensi.

EGARA libro Conciliorum, vulgò Ferrario *Tarrassa*, non longè à Barcinona, cui sedes vnita creditur. Ex eius Episcopis *Sophronius* subscripsit Concilio Toletano tertio, & *flergius* Barcinonensi.

AVSONA, quæ Aufa Ptol. ibid. vulgò *Vique*. *Aquilinus* huius Episcopus subscripsit Concilio Toletano tertio, & Barcinonensi.

GERVND A Ptolem. ibid. vulgò *Girona*. Ex eius sedis Episcopis *Agrius* subscripsit Concilio Tarraconensi, & *Alius* Toletano tertio.

EMPORIÆ Ptol. ibid. vulgò *Ampurias*. *Fructuosus* Emporiensis Episcopus subscripsit Concilio Hispalensi primo, & *Galanus* Barcinonensi.

ORGELLVM, seu Vrgella, Orgia Ptol. ibid. vulgò *Urgel*. Ex eius Episcopis *Iustus* subscripsit Concilio Toletano secundo, necnon *Simplicius* Toletano tertio, & Barcinonensi.

VELIA Ptol. ibid. *Velesia* Morales. *Ioannes* Vellensis, qui Concilio Toletano tertio subscripsit, eius fortè Episcopus fuit, post quem nullus istius Sedis legitur in subscriptionibus Conciliorum Hispaniæ.

Antiqui Hispaniæ Episcopatus, quorum sedes incertæ sunt.

ILLITVRGI ciuitas Hispaniæ non longè ab *Andujar*, cuius *S. Euphrasius* primus Episcopus dicitur.

AGRAGA ciuitas Hispaniæ Episcopalis libro Conciliorum: cùm *Nebrius* Agragensis Episc. Conc. Tolet. II. huius regionis Præfulibus subscriptus annumeretur: sed qua in Prouincia extiterit, nequidē suspicari possum.

MAGNETVM Hispaniæ ciuitas, cuius *Viator* Episcopus subscripsit Concilio Bracarensi secundo.

EMINIVM Vaxo ciuitas Portugaliæ inter Conimbriam & Portum, sed parum certò. *Possidonius* eius sedis Antistes subscripsit Concilio tertio Toletano.

LAVERRICA locus Episcopalis in Hispania, cuius Episcopus *Vitulatus* subscripsit Concilio Toletano sub Gundemaro.

LANIOBRA ciuitas Hispaniæ ignota, cuius Episcopus *Ermaricus* subscripsit Concilio Toletano tertio.

LACOBRIGA Lusitaniæ vrbs, & Lacobrica ab ea diuersa in Vaccæis. *Seruus Dei* Lacobrigensis Episcopus interfuit Concilio Toletano quarto.